



5500

Ex libris Bruno MONNIER  
Chateau de MANTRY  
JURA















*Le 23 Janu. au quel le Roy & Mrs de  
Noblesse du 26 Octob. 1650*  
LES 29

# MAGNIFICENCES

faites en la ville de Bour-  
deaux à l'entree du Roy  
le Mercredi 7. de ce mois



A PARIS

De l'Imprimerie d'Anthoine du Brueil,  
entre le Pont S. Michel & la rue de  
la Harpe, à l'Estoille cou-  
ronnee.

---


M. DC. XV.

THE NATIONAL  
MUSEUM  
WASHINGTON, D. C.  
DEPARTMENT OF THE INTERIOR  
BUREAU OF GEOGRAPHIC NAMES



THE NATIONAL MUSEUM  
WASHINGTON, D. C.  
DEPARTMENT OF THE INTERIOR  
BUREAU OF GEOGRAPHIC NAMES  
OFFICE OF THE SECRETARY  
WASHINGTON, D. C.

U. S. GOVERNMENT PRINTING OFFICE



# LES MAGNIFICENCES FAI-

*ctes en la ville de Bourdeaux à l'en-  
trée du Roy le Mercredy 7. de  
ce Moys.*



Adis au pays de Perse  
les suiechs ne receuoiet  
iamais plus d'heur  
& de contentement  
qu'aux iours esquels  
ils estoient assurez de receuoir la  
Maiesté de leur Prince & legitime  
Monarque

Ainsi le grand Sesostris Roy d'E-  
gypte retournant de la conqueste  
d'Asie fut receu & acueilly des siens  
fort magnifiquement en la cité de  
Thebes la superbe: ainsi le iour que  
Romulus fit son entrée a Rome le

peuple prit de là suiet d'une aussi grande resjouissance que si quelque nouvelle Monarchie eust esté annexée à leur puissant Empire.

La France qui triomphe en esperance des effectz des armes de son Roy, par tout où est receüe la royale personne se pare de ses pompes & faict des feux de ioye erige des colonnes d'honneur & de gloire immortelle es iours de son entrée, ainsi que firent anciennement les Alexandrins es iours du triomphe d'Alexandre, en ses Royales citez qui sont comme autant de proiects des conquestes, trophées & victoires, qu'elle se promet recevoir dans les années dorees du regne de son Prince: Elle voit desia & recognoist assez par son inclination naturelle, qui ne se plaist qu'aux actions vertueu-

ses, que les promesses de sa naissance  
 commencent heureusement à  
 reüssir & scait en verité qu'il sera vn  
 Cæsar, qui ayant releué le courage  
 des siens, qui n'osent au danger de  
 leurs personnes, se fier à l'experien-  
 ce, arriuera au chef de ses intentiõs  
 au repos de ses peuples, à la confu-  
 sion defastreüse de ses ennemis:  
 Car ceste grande Maiesté, qui  
 recueille les inuentions non des  
 Archimedes mais des Archimai-  
 stres, se verra par l'heureuse pre-  
 diction de sa naissance, accomplir  
 ses desseins à l'augmentation de ses  
 Estats, a l'aduantage de ses suiets &  
 au contentement general de tous  
 & chacuns de ses ennemis & alliez  
 que vont de cœur & de bouche be-  
 nissant ce beau nom de Lovys,  
 nom fatalement heureux à la Frã-  
 ce qui autrefois à seruy d'effroy a

ses ennemis: ie fais alte sur cecy par ce que ma langue, ny ma plume ne peuuent assez dignement exprimer les propheties de son royal horoscope, ny voiller si haut que la renommee de sa Maiesté, laquelle n'aura point à regret, que ie face l'ire aux estrangers & à ses bons suiets ce que Bourdeaux preparée à son entrée, avec la reiouyssance des peuples de Guyenne, par le bôheur de sa presence: affin que si tous ont l'honneur d'en ouyr raconter les merueilles, ils ayent quant & quant ceste faueur, de participer à les ioyes.

Les habitans de la ville de Bourdeaux Capitalle de Guyenne aduertis de l'arriuée du Roy en la ville d'Angoulesme, comme aussi des preparatifs faiets & preparez pour y receuoir sa Maiesté, se resoulurēt



de penser aux honneurs qu'ils des-  
 uoient rendre à saditte Maiesté  
 qui deuoit arriuer en ladicte ville  
 de Bourdeaux peu de iours après,  
 de sorte qu'ayans sur ce pris deli-  
 beration, & donné aduis aux Bour-  
 geois de la ville de se preparer a la  
 reception, setindrent prests pour  
 le recevoir magnifiquement avec  
 la Roynes sa mere, les Princes & au-  
 tres seigneurs de sa suite Royale  
 le Mecredi septiesme du present  
 mois d'Octobre.

Si firent ils mettre & poser au  
 dessus de la porte principale par la-  
 quelle ladicte Maiesté deuoit en-  
 trer, les armoiries de leurs Maiestez  
 avec les deuises ordinaires, & au-  
 my lieu des deux vn Tableau dans  
 lequel estoient representez vn Ai-  
 gle aux ailles estendues soustenans  
 deux couronnes qui estoient la

Courónne de France & celle de Castille ioints par le benefice des alliances de France, & d'Espagne, qui vouloit signifier l'vnion de la Frâce avec l'illustre & genereuse maisón d'Autriche qui porte maintenant pour deuise & blason vn Aigle, en signe & representation de ce qu'elle à este depuis cent cinquante ans en ça honorée du sceptre & de la couronne de l'Empire Romain, iusques à present : & au dessus des susdictes Couronnes estoit representé vn ciel qui versoit profusemēt sur les aisles de cet Aigle vne heureuse & celeste influence, voulant signifier que par l'vnion de ces deux grandes Couronnes le Ciel promettoit a la Chrestienté toutes sortes d'heurs, de gloires & prosperitez, au iour de ceste celebre & magnifique entree qui fut le Mercredi



credy 7. dudiect mois d'Octobre, les habitans se preparerent pour recevoir leur Roy avec toute sorte de debvoir, offices, & preparatifs.

Et enuiron sur le midy sortirent cinq cens hommes de la ville richement vestus & armez à l'aduantage, qui allerent au deuant de sa dicté Maiesté plus d'vne grâde lieuë loing, laquelle finalement ils rencontrerent, & après que Messieurs les Maires, & Escheuins de la ville luy eurent fait les complimens ordinaires & necessaires, ils retournerent vilage vers la ville, en laquelle ils entrerent magnifiquement en ceste sorte & maniere.

Premierement retournerent quatre à quatre les habitans armez, avec leurs Capitaines, Lieutenans enseignes, & sergens.

Puis le corps des Messieurs de la

ville accompagnans Messieurs du Parlement, qu'ils rencontrèrent à la porte avec le Clergé, & Messieurs de l'université, qui attendât sa dicte Maiesté hors des portes luy firent les harangues ordinaires & accoustumees de faire en telles pōpes & royales Ceremonies.

A son arriuee furent tirees douze grosses pieces d'artilleries qui furent comme vn signal & vne marque grande & assuree, de la reiouyssance publique des citoyens, ce qui pleust tellement aux yeux de leurs Maiestez, qu'ils protesterent des lors ausdicts habitās auoir pour agreable leur bonne affection, promettant en auoir memoire & souuenance à l'aduehir.

Sa Maiesté entra montee sur vn petit Cheual blanc ayant à l'entour d'elle ses escuyers & vallets de

pied de sa suite ordinaire : au de-  
uât d'elle marchoit la compagnie  
de cheuaux legers armez & cuiras-  
sez, portans tous la plume & l'es-  
charpe blanche, puis ses suisses &  
archers, & vne grosse troupe de  
Seigneurs, & gentil-hommes de la  
Cour, apres lesquels sadiète Maie-  
sté suiuoit assistee de Messeigneurs  
le Duc de Guise, le Prince de Join-  
uille, & autres grands, & en apres  
le Regiment de ses gardes suiuis &  
conduits des Capitaines, Lieute-  
nans & port-enseignes.

Entrant en la ville elle fut saluée  
& applaudie d'un nombre infiny  
de voix populaires & autres crians,  
VIVE LE ROY, iusques a l'étrée  
du logis qui luy auoit esté préparé,  
& fort magnifiquement orné à la  
royalle pour y receuoir sadiète Ma-  
iesté.

La Royne la mere y arriua vn iour auparauant , auec Madame, assistee de Mesdames, la Princesse de Conty, les Duchesses de Guise, & de Neuers, Madame l'Admiralle & autres grandes Dames & Damoiselles de la Cour en grand nombre, qui eurent & receurent le contentement de voir sadiete Maiesté entrant en triomphe , en ladiete ville de Bourdeaux : laquelle iamais ne se veit si peuplee de Noblesse comme elle se vit pour lors.

A peine y auoit il des logis à suffisance pour loger & accommoder le train & la suite de la Cour, tant à la ville qu'ez fausbourgs.


C'est ce qui s'est passé de plus remarquable & memorable à l'entree de nostre trescher & souuerain Monarque, que tout bon heur & toute gloire accompagne par tout ou il se trouue : Dieu luy face la grace d'accomplir le reste de ses desseins & de venir au dessus de ses enne-

mis: ainsi le promettent les choses qui ont esté predictes, & annoncees de luy, nous asseurant qu'en son regne il sera aussi digne heritier des vertus d'Henry le Grand son pere, qu'il luy est successeur & heritier, de tous ses Estats, Royaumes & provinces, & qu'il sera aussi redoutable à ses ennemis, que doux & misericordieux envers tous ses bons & naturels subiects.

FIN

---

AV. LECTEUR.

 My Lecteur i'espere dans peu de iours te faire part d'autres nouvelles, par le moyen de mes amys, qui sont en court, cependant prens celles cy, pour tesmoignage de ma bonne volonté, Prions tous Dieu qui luy plaise conseruer la santé du Roy, de la Royne sa mere & de Messieurs de son Conseil, affin que par leur moyen nous ayons la paix & tranquillité publique en ce Royaume, ce que i'expere dans peu de iours. A Dieu.



















SPECIAL

DC

123.8

M19

1615

87-B

2547

